



831706

墨花軒詩詞刪存

袖海山房藏本



同治四年春三月鑄

墨花軒詩詞刪存

安昌官廨存板

评语

捧讀大集七律氣韻沈雄格局森
整是日力於浣花翁者古古天風海
濤排冪冪帖李供奉之遺音也其
餘各體無美不臻而兼有豪情逸氣
乎其中知于古道言於臆矣曷膝佩

服似菜之玉

咸豐丁巳八月朔日 桐鄉 陸雲石 銀信 謹識于

獲鹿東郭旅寓



五七律警言白林立古風工力
甚深已轅絃品絕白樂府時
造間奧非箏琶俗工之所識
也 同治改元六月十八日重
讀一過 之洞記

二

倉視我終調高里壯韻達情深惟真
性情 貫注其間是以無矜學文人之態作
者雖多此境歎不為臻也詩之詩循良
之風某於此欠之法香山社之因緣願以
期改異日

同治三年袁平山右夢山弟王熙湖讀之識

昔人評摩詰詩在永或
珠著壁成繪一白一字皆
出常境不意於大集遇之
孰謂今不逮古耶
甲子重九日錢唐裕弟張世俊

三

浣誦

雅什意超韻厚一派唐音其錘鍊推敲尤
見字斟句酌擲地作金石聲繹讀緣情各
妙句又知閱世功深非可與描摹中晚者同
日而語也欽服欽服

甲子嘉平雲間藹人瞿承吉懌讀



合觀

大集魄力堅蒼神韻清華五七古尤具
盛唐風格彼沾沾求工於字句間者猶
皮相也循讀再三俯首至地
同治三年清和上旬

黔陽漁賓弟路璜拜識

捧讀

四

大作於樸實中見真切於平淡中寓深
厚寫景寫情如話如畫猶是眼前意以
妙筆出之無不耐人思索是極自然極
純熟火候非天分過人學養功深焉能
造此佩甚佩甚

甲子仲冬彝山秋般弟王家勤拜識

以剥蕉抽繭之思運戲海翔空之筆如
入山陰道上應接不窮如遊九曲武夷
引人入勝是曾讀萬卷書行萬里路而
得江山之助者方能到此境地
詩餘酷似坡仙峭曲處又奪易安之席
朗吟數過神爲之移

愚弟左智拜讀並識

五

捧讀

鈞製識解超卓器宇宏深不肯率爾操
觚而抒寫性靈復自然流出百鍊鋼化
爲繞指柔非此之謂與至格調或嬾三
唐或追兩宋集羣躋之精萃自成一
家往復循誦彌覺益人神智不少

愚表姪周家樾拜識

題詞

文章經濟紹箕裘清廟明堂舊拔尤遊
食大梁重聚首輪來二十九春秋
捨渠折獄衆爭傳入境欣聞大令賢莫
以割雞相戲謔新詩卽是武城絃
牧臯老友以墨花軒近作見示率題二

絕

六

程庭桂口占時年七十

歐陽

先生妙筆代天五
氣珠尤力透空悟到
詩禪三昧地好詩原
在性靈中
高吟李杜各千春規
仿何能一格循但尚
性情真處問語成禿
賴自驚人

丙寅仲冬下浣

年愚姪鄭鴻謹題

異地聯桑梓
君有俠腸
安昌賢令尹
燕國大文章
詩思澄秋水
雄心薄太行
高吟誰得似
風骨是三唐

八

曉發武陟車中拈韻

大著欽佩益深因口占一律

錄後

牧翁為仁兄鄉憲大詩伯大人

誨政

鄉小弟李栲菴呈此

自序

予自束髮授書即習為制藝帖括
未嘗為古近體詩也嗣家計中落
筮仕晉陽旋奉 母諱饥驅窮走
客飯孤燈形影相吊 輒寄哀謳吟

使心有所屬不徒為無益之感迄持
檄中州從戎宋蔡間時於艱難辛
苦中敢以忘勞不敢以詩鳴也位補安
昌簿去鞅掌日晡晡晷維結習謹忘
而取為曩時萍梗漂泊戎馬使德間

偷閒寄興心不可得矣所謂一以作吏此
事遂廢生信然耶自愧於詩未窺堂
奧猶冀暇日披吟細尋詩律乃昔為
舉業所縛今為案牘所累殆敢吾鄉
高遠去五十學詩而即泰三昧豈可

二

得哉然於舉曩作畫投祖龍之火不
覺生平心血斯而神思日取友人許
可之作碑為編定心必遼東有豕生子
白頭未見河東學豕皆白而遂異而
獻之也然心不過誌知己之感而已為

持以問世則豈足然

乙丑季春古皮蘊山牧齋氏識自

書於安昌官廨南軒下



三



楊文公題詩在東坡先生下

楊文公題詩在東坡先生下

楊文公題詩在東坡先生下



墨花軒詩詞册存

渤海張葆謙牧皋

七夕

雙星今夕詠綢繆。試問離衷慰得。不此夜預盟來歲約。明宵莫續舊時愁。但能世世常相見。勝似生生不自由。更憶針樓多別怨。經年空盼大刀頭。

秋夜

屈指秋將盡。深宵動客思。離長嫌夢短。心速計歸遲。別院鳴砧夜。寒燈伴影時。不眠聽鴈度。憐爾更何之。

過灘

急流礮礮破雲根。一葉飛來浪欲吞。怪石迎人旋卻立。羣山到眼即回奔。衝波柱檝兼風駛。拍岸銀濤挾地翻。過此澄清堪繫榜。半輪江月映新痕。

可謂善狀過灘景物季

友人園林題贈

名園十畝綠迴環。桃李陰中晝閉關。支座松根香似石。隔林雲影淡於山。鳥銜佳果窺人立。客臨籬籬待鶴還。更向醉時歌一曲。不知何處是塵寰。

字字華嚴法界來夢松注

自闢青畦引野泉。茆茨斜架兩三椽。松聲半榻涼疑雨。

上界笙簫
冷然奏響
夢熟注

狀難寫之
景以研鍊
出之幾欲
力挽千鈞
夢松注

晚唐人佳
句心潭
放翁意致
季



樂府正聲
中唐遺響
雙松注

花○氣○一○林○團○作○煙○對○酒○偶○招○明○月○飲○拋○書○時○抱○嬾○雲○眠○
此○身○饒○有○清○儻○福○好○悟○忝○同○靜○裏○禪○

官柳

揚○柳○依○依○弄○晚○晴○道○傍○攀○折○總○傷○情○長○條○可○惜○紛○無○數○
不○籍○行○人○只○送○行○
官○柳○棲○鴉○日○又○曛○長○途○客○話○不○堪○聞○逢○人○使○欲○垂○青○眼○
一○路○依○依○只○有○君○

除夕

桃○符○乍○換○歲○將○新○小○酌○屠○蘇○酒○味○醇○寒○盡○漏○聲○宵○餞○膾○

二

如不可送
從善所好
張漢

煖○圍○爐○火○夜○催○春○窮○如○可○送○甘○詭○債○未○能○償○屢○避○人○
何○日○得○尋○如○願○婢○灰○堆○空○自○打○頰○頰○

生日誌感

韶○華○廿○七○暗○中○馳○正○值○棄○弧○欲○挂○時○歲○月○空○教○增○馬○齒○
功○名○無○自○販○羊○皮○年○雖○假○我○才○仍○拙○壯○不○如○人○老○可○知○
惟○有○賢○豪○能○造○命○頭○顛○依○舊○總○堪○嗚○

不寐

睡○味○緣○愁○減○重○衾○冷○自○假○窗○寒○鷄○唱○澀○燈○暗○鼠○聲○來○輾○
轉○多○奇○想○因○循○是○處○才○著○衣○還○起○舞○好○待○曉○光○催○

濯成 瑤瑩

白蓮路經淀河

亭亭素萼淨無埃。玉井移根水國栽。十里冷雲半江月。不知何處送香來。

寄衣曲

梧桐一夜飄金井。絡繹宵啼秋意冷。乍拂齊紈又懶裁。銀缸獨對憐孤影。去時曾約秋來歸。寒到君邊願已違。詎知別院鳴砧夜。正是空閨腸斷時。此時寬窄憑誰度。細想聾肢淚珠落。欲並啼痕寄與君。怕觸離懷不肯著。繫以同心結。加以錦字箋。征衣與妾意。同時到君前。客

塵縱染不須拭。但祝歸來為君滌。

樂府上卷所謂有裏玉當古意。倘曾幸若學如魏者也。李

聞砧

清秋獨夜坐更闌。砧杵誰家搗未殘。乍入疎窗驚短夢。漸催落葉下迴欄。層城風緊鴈聲度。一院月明人影單。料得深閨覓刀尺。征衣欲寄路漫漫。

晚行

膜色蒼然合。行人夜寂寥。水明知月上。燈閃識村遙。街拆聽俱斷。林霜凍不消。前途孤館宿。鄉夢悵迢迢。

淮陰侯廟

美人細意
尉貼平紙
王輩不得
擅美於前
莫後注

憐倅婉篤
古樂府之
遺音 兼改

第二體神
吟聲絕季
二聯之刻
白描香後
其妙顯與
不同此體
妻家注

唐人佳句
類三句絕
在季

後雨食中
佳句也

秋草一聯
脚地皆不
金石聲李

一鳴三歎
差道王李
夢語注

夢寬之玉
隱生集中
乃是夢句
香

又似王次
區季

大有禪悅
意語季

盤鍊心深

國士登壇靜楚氛。弓藏鳥盡惜辛勤。孟羹尚忍分嚴火。
菹。臨。何。能。念。舊。勳。秋。草。長。陵。非。漢。土。靈。旗。泚。水。捲。殘。雲。
我來亦灑荒邱淚。太息良謀負蒯君。
雄渾 夢松注

見鴈

屢卜歸期總未歸。故園花事又相違。客踪不及衡陽鴈。
每到春來便北飛。
穢粹至此雖使旗亭雙
鬢豐之有何不可季

無題

閒尋舊恨託新詞。乍見爭如未見時。狐欲渡冰聽尚怯。
蝶因戀粟夢俱癡。紅綃手語崔生解。綠綺心懷卓女知。

四

底事凌波人一去。零煙朦朧惹相思。
誠素原期玉佩要。紅樓隔斷碧溪橋。欲通絮語飛雙燕。
爭奈離魂鎖二喬。麝縱成塵香不滅。蛛能牽網緒難消。
劉郎已識天臺路。未必雲迷洞口遙。

游小五臺

穿林尋古刹。石磴事攀躋。雙塔影爭出。一城山壓低。閒
花對佛笑。幽鳥避人啼。未許塵氛入。雲遮路欲迷。
偶到招提境。情因選勝留。苔紋皴石瘦。山翠滌窗明。花
與佛爭地。雲隨僧上樓。一聲清磬響。塵夢醒來不。
何句王字
字疑商原

格自在是中晚勝場元明諸名家亦時有此格調慶松注

遊小五臺寄傅商巖

有詩仙逸氣貫六一風流震世此章起結提頓俱入古季通首超脫雄渾似退之山石筆確一篇讀長古中詩有排場季

風聞海上三神山乃在虛無縹緲之僊窟困坐層城眼界窄如墮幽井窺青天滇南有友負逸氣置身每欲凌空煙游心物外偶同往丹邱何必非人間苦磴相攀踏濃翠屨痕穿破雲光醉蛇松倒影映岩泉幽壑疑有蛟龍睡甫扣禪關猿鶴迎到來撲去三斗塵閒花開落解禪意山鳥鈞軻呼佛名樓頭高躡五雲裏雙塔貼出纔如齊連山奔赴走孤城如瀾波瀟灑千里君謂斯游良足

五

轉振處大佳季

過龍維健古氣磅礴占平大觀

喜方壺員嶠如斯耳林巒收入付陶鎔盡捲乾坤歸筆底念我曾歌蜀道難游燕歷晉無停鞭俗狀未能抉塵網空馳歲月凋朱顏何如笋鞋藤杖共攜取與君此處來參禪

明初四子風流未墜季

板浦乳管元白而上云

偶詠

羈處無良伴孤懷學息機多閒知箇拙知密夢家稀地僻苔侵座風輕燕入幃聊尋吟弄趣未與素心違

見子來曹視余因念迎養未遂愴然有作

我有親難侍足和卻省親因教落齒者倍憶倚闌人何

去州流霞

山谷集中最上上乘

清景逼真十字耐人尋思不盡

松窗閣裏

詩可以見
性情於此
益信

真難未
經人道

似調似刺
用意絕佳
清

閱歷語
了義李

似太白李

曹華名
律體正氣
有明一代
詩人大

李于歸

印板興至此時囊橐空持毛義檢對汝益傷神纏綿

上可接三百篇下可追踪工部風人之旨如是如是摘堂

望家人不至

魚箋報我駕征車計日程途望轉虛莫是行期偏悞記
幾回頻檢寄來書

山泉

驛亭昨夜雨初過幽澗泉聲聒耳多底事在山清可鑿
奔流人世作風波

阻水

溪水發山坳東之不能任驚濤撼石掛轉欲疾之去僮
僕走且僵徘徊不敢渡豈知今日波即是曩時路險心
無定區隨流發深悟

閨中七夕

中庭設瓜果悵然有所思今夕不相聚牛女竊笑之月
落桐陰暗房空不忍歸是否前宵候如我未見時

平定道中

客路從經景物幽雲巒開處豁吟眸飛泉界破青山色
塞雁倦成黃葉秋影散清溪歸浣女日銜遙嶺聽雄雉

青邱之商

優此注

詩材畫本齊收拾莫謂今番負此游

宿山村

日落山色昏。荒村聊息。簾。蒹葭十數家。墮壁見星。几。晚
飯雜野蔬。安問膾炙。我思生理。艱長歎。癸中分。隣叟
偶相聚。笑言偏啞。啞乃知世味。輕貧賤。足怡悅。富貴耀
其前身。心兩難。適轉念。山中人。勞勞愧行役。
似從長公夜泊牛口

仲漢似李

蕙州又似柳

太秋田少詩

吟

雲川善學陶理勝故讀爭亦何宋必規撫謝章而抑淡唐承白泥相琦季

高化出而各臻其妙黃松注

擬長干行

夫婿長干人。重利恒輕別。江路逐風波。空閨對明月。

七

有六朝有初唐要松

夜。偶。采。蓮。蓮。花。同。妾。顏。常。悲。秋。風。早。凋。零。郎。未。還。晚。來

起。江。霧。遮。遍。芳。洲。樹。望。望。只。煙。波。郎。今。在。何。處。昨。有。浮

梁。賈。道。郎。涉。湘。浦。今。遺。雙。鯉。魚。卻。寄。巴。陵。書。巴。陵。不。道

遠。游。人。自。不。返。經。歲。復。經。年。容。光。鏡。中。減。江。水。日。悠。悠。

莫。愁。也。知。愁。好。風。將。妾。夢。吹。入。洞。庭。秋。

山寺

境寂僧愈閒。林幽鳥堪託。清磬時一鳴。驚飛山鳥落。

詠懷

終南有捷徑。舉足人爭趨。詎意蹊徑僻。荆榛塞路隅。下

唐晉鳥佛妙境季

淵明夢松

何讓十九
首季

如大江東
映以東之
巖澗洶湧
不可回視
惟太白詩
仙有此勝
境憂然注
九怪陸離
此景非此
筆不能狀
也堂

富意樓船
高韻清麗
最足感人
凌松注

或蹟其足。上亦牽其裾。王道雖云遠。步趨恒坦如致身。
有本末。甯爲衆所迂。彼陷荆棘者。乃因巧有餘。

平定東亂山雜沓。頗不易行。復中途遇雨。詩以紀

之

羣山萬壑皆東赴。峯峯對鎖疑無路。一逕羊腸盤復盤。
回頭不見入山處。嵯峨怪石山之側。立者如人伏如龜。
馬蹄蹴踏火星迸。車輪傾側轟驚雷。幽谷潛行如墜井。
石氣侵人毛髮冷。欲起不起雲沾衣。將崩未崩石壓頂。
有時出井復登天。手挽銀河接飛鳶。俯視山坳鼓雲氣。

千崖忽裏兜羅綿。前山猶晴後山雨。溪水交滙雙龍舞。
石壁力掀欲飛去。急流儼觸千鈞弩。昔日曾歌蜀道難。
畏途巉岩不易攀。孰意此境未逢五丁關。同使游人慘
戚凋朱顏。晚投村舍欣堪託。出險自慶聊斟酌。既過崎
嶇莫復思。今宵恐致夢魂惡。

秋夜聞笛

清漏迢迢夜已長。更深不寐立迴廊。寒蛩近客初居壁。
微月窺人欲上牆。竹影漸低秋露重。笛音遙徹晚天涼。
陽關一曲誰吹罷。玉帳金閨各斷腸。

白

模山 沁水

大以 吾家
族翁 鯉漢
感傲 而出
以和 平由
導養 深也
望堂

情警 濃感

律懷 壯潤
似老 甘諸
將等 詩題

絕句 神品

子野 聞之
當喚 奈何
言有 盡而
意無 窮歎

高僧 入雲
如龍 虎之
吟嘯 唐太
白金 遺山
明壽 邱夢
秘注

秋日閒居

秋意滿林薄。蕭條原上村。斷雲拖鴈度。暮雨入燈昏。攬
髻時窺鏡。催租屢到門。生涯底如此。聊復倒芳樽。

途中

鄧程底事馬駸駸。贏得霜華兩鬢侵。峯絕亂雲隨地起。
身飛急雨入溪深。壯懷銷盡輪蹄鐵。好句吟成山水音。
集苑集枯均未卜。一枝棲息羨幽禽。

渡滹沱河

蕭蕭匹馬對斜陽。望裏滹沱接派長。河帶斷流連磧白。

九

天沈邊氣入沈黃。高排濁浪人呼波。低壓寒雲鴈叫霜。
此去并州何所託。臨流欲濟意茫茫。

同海峯至平定作別

同慙風塵面目鰲。歸歧話別倍神悽。故園莫漫東回首。
我比若行更向西。

登南天門歌

君不見南山縹緲而峻嶒。得其門者天可登。奇境世人
幾曾歷。轉疑不可階。而升此山。拔地三萬級。雄扼并州
推第一。左有嘉水右冠山。往來靈氣通呼吸。我今躡足

委婉曲折直與唐諸君一
鼻孔出氣逸才也夢松注

登其峯。陡捲四山多。烈風頓覺此身空。濶浩無主下視。
羣山羅列如兒童。足間雲氣還相從。欲扣天閭凌紫穹。
左招赤松子。右揖浮邱公。笑問嫺皇何事未及補。留此
得與天庭通。西連秦塞千餘里。井陘東下窺趙壘。昔日
淮陰曾駐兵。殘碑猶卧斜陽裏。弓藏鳥盡竟何如。悔不
清淮釣煙水。瞥眼功名安在哉。烟巒祇合娛吾儕。一聲
長嘯振林木。天風吹散山之隈。下界疑是天門開。鷲吟
鳳嘯羣仙來。

此首前半寫景後半寫情極警闊極淋漓純以灑氣盤旋不見筆墨之痕迹正昌黎所謂氣感言宜表聖所謂大用外勝真體內充者也

此首前半寫景後半寫情極警闊極淋漓純以灑氣盤旋不見筆墨之痕迹正昌黎所謂氣感言宜表聖所謂

宿井陘

字外出方
中藏秘
好句百誦
不厭

旅館對荒城。宵深柝已鳴。亂山聲客夢。孤枕走難聲。酒
方緣愁減。離懷逐夜生。如何鄉國近。不得數歸程。

至家

柴門乍到駐征車。稚子相迎笑語譁。旅債待償仍是客。
故鄉雖好不爲家。偶尋書策情難忍。甫謝雲山夢易差。
舊植海棠能解意。庭前俟我始開花。

浩歌五首

七尺昂藏不餽口。蕭然囊筆事奔走。我僕既痛呼不應。

昂藏傲岸
慷慨淋漓

慶松注
似蘇李

沈陽頌性
雖云神似
七歌可也
否

堆○面○黃○塵○顏○孔○厚○問○我○客○囊○但○播○手○篋○中○惟○積○詩○千○首○
既○思○入○世○恥○逢○迎○何○異○臨○書○掣○其○肘○消○盡○壯○懷○亦○何○有○
茫○茫○徒○作○喪○家○狗○

我○欲○歸○種○勤○蓄○畚○呼○兒○飯○犢○肩○荷○鋤○秫○稻○秋○成○蓄○佳○釀○
歲○終○擊○缶○歌○嗚○嗚○西○家○老○翁○竊○歎○息○如○此○策○畫○無○乃○迂○
新○穀○未○刈○官○催○租○平○時○逋○欠○聊○補○苴○豐○年○難○免○庚○癸○呼○
况○值○歉○歲○當○何○如○

大○賈○由○來○稱○洛○陽○持○籌○握○算○心○計○長○黃○金○積○橐○衣○滿○箱○
座○有○邯○鄲○挾○瑟○倡○詔○許○輸○將○歸○太○府○青○雲○亦○得○同○翔○

十一

其○惜○黔○婁○不○發○迹○代○思○居○積○謀○孔○臧○吾○儕○白○眼○多○清○狂○
齷○齷○爭○餐○殊○自○傷○安○能○從○事○屠○沽○旁○

走○馬○應○官○思○聽○鼓○側○身○英○俊○與○爲○伍○齊○廷○亦○自○慙○濫○竿○
幸○向○天○倉○分○祿○精○榮○戟○尊○嚴○謁○大○府○倒○持○手○版○署○痾○僕○
未○加○三○命○茲○益○恭○循○牆○竊○恐○彌○招○侮○縱○謂○循○牆○莫○予○侮○
忍○教○此○狀○妻○孀○覩○

僕○僕○風○塵○殊○失○策○爲○農○爲○賈○竟○何○益○思○謀○五○斗○恥○折○腰○
四○顧○途○窮○天○地○窄○我○有○奇○境○堪○游○歷○瑯○環○無○異○神○仙○宅○
高○彝○周○鼎○無○不○陳○琳○瑯○坐○擁○餐○珠○屑○歌○詠○常○留○太○古○歡○

初唐神味
季

謝康樂遊山鑿空柱老入蜀諸詩鑿之大蘇刺南亦時露端倪作者已窺其堂與矣夢松注

癡聾固。顧室人。謫縱教。屋底炊煙滅。此富恒誇誰與敵。

立秋

客裏流光速。金風已漸生。骨迎秋氣健。詩入早涼清。小扇收殘暑。疎砧動遠情。故鄉梧葉落。閨夢定同驚。

青玉峽

我行苦厭山。盡日穿石隙。陵谷氣榛莽。洪濛疑未闢。嵌空石倒垂。削壁天隨容。日暎不能周。陰森竦毛髮。驚濤忽橫飛。驟即蛟龍宅。我若當其衝。急流供一擲。昔歲下三巴。夔巫驚險絕。誰復移之來。造物真狡譎。彌歎行路

難。憂悸無時釋。

客中有感

抗塵走俗鬢。將幡客裏流。光感逝波一事差。強胥脚健卅年合。計別離多。蕭吹伍相遊。吳去劍拔王郎斫。地歌泉石功名皆未就。那堪身世日蹉跎。

中秋同王敦五陶少香昆仲講集作歌

我攜鐵笛橫秋風。浮雲吹破東山東。海底蛟龍聽此不龍。聞晶簪捧出楊夷宮。王郎斫地歌聲發。入洛機雲兩清絕。少香昆玉客裏同思破寂寥。壺觴滿酌金樽凸。我

卷之七

起勢突兀奇村透堂太白曹松

一轉一接
清即補境
季

清如情

寫景清幽
寫情幽雅
是為風騷
正則感景
注

悲壯蒼涼
如曉如寒
上問落地
頭令人佩
猶不已要
概

來相與尋清秋。燭光撒盡花影浮。猶覺開軒不快意。移
盃更上西山頭。此時皓月懸清影。倒斲明湖作天。圓琉
璃世界現樓臺。插向金波萬千頃。誰謂蓬壺不可攀。掀
髯一笑非塵境。振衣長嘯天風颯。然疑僊樂之嘈雜。招
白鶴兮翻蹕。我亦不知此夕此身在何處。便疑迥出人
世同飛。仙坡翁未能換凡骨。瓊樓卻畏凌高寒。或謂神
仙竟荒渺。瑤池玉母秋霜老。姮娥靈藥如有存也。應乞
駐容光。好舉世蟬蛸良可哀。浮名浮利皆塵埃。眼前風
月不須買。今我不樂何為哉。夜久冰輪更清澈。與君同

三

作霓裳拍萍蹤。佳會非偶然。莫把鄉心對明月。章法節
族豪髮

無憾大意學世奉雖不能
至阿已翔乎寥廓矣季

聞磬

此夕涼颯已漸吹。蟲聲新透豆花籬。抱來幽怨憑誰訴。
話到秋心有夢知。一院荒苔人靜候。半窗斜月夜深時。
無邊風露應同覺。吟徧關千寄我思。

九日

浪跡真如絮與萍。且憑登眺慰飄零。鬢逢簪菊何嫌白。
眼為看山特放青。鴉帶斜陽歸遠樹。雁拖秋氣下寒汀。

九日暨答
張湛園作
均係詞商
約派淺

他鄉一樣茶黃酒忍使樽前我獨醒。

答張湛園

頻年作客滯天涯。欲溯清輝望眼遮。常愧穆生忘設醴。
祇緣杜老別無家。報章硯北拈筠管。佳節籬東負菊花。
來詩有前言偶負菊束籬之句。知否前宵曾入夢。屋梁落月恰西斜。

鸚鵡鳴

有鳥有鳥來隴西。銀繚繫足窗前棲。細翼綠矜炫毛羽。
美人近隔碧紗詩。含愁羈絆動經年。飲啄常教侍女憐。
鄉夢一宵渡隴水。曉窗夢回飛不起。嗟爾自矜巧舌聲。

十四

似倡似賦
也了快行

最。搗。烟。懶。惜。聽。明。雨。何。不。緘。口。無。聲。類。反。舌。翻。飛。何。至。
罹羅網。

題女士畫菊

東籬佳色憶陶家。冷入西風影欲斜。莫是捲簾閒寫照。
也將人瘦比黃花。

偶詠

塵俗相侵面目顰。舊林難得一枝棲。功名况味同鷄肋。
身世浮沈寄馬蹄。境許偷閒真是福。品非高尚總嫌低。
何時能遂煙霞志。歸理絲筒釣碧溪。
讀此詩余懷不覺
悵觸此次留別詩

為句鑿

聞感語亦
驚透語鶴

好句當以
百錦囊
之揚堂

慨乎其言
之令人徒
喚奈何鶴

未章有蘓鱸之思甫出山而思卸帆自
亦訝其不倫讀此乃爽然若失 斐松注

客中

微名目束縛。放迹滯京華。囊潤羞交友。途窮每憶家。愁
偏欺鬢髮。事欲話桑麻。深羨投林鳥。歸飛日影斜。

感懷

昔年猶未歎途窮。高卧羲皇北牖風。清白原稱廉吏後。
升沈甘作信天翁。客因看竹開三徑。地為栽花拓半弓。
更喜芸窗書韻好。課兒常共一燈紅。

無端揀檄出岩阿。俗狀塵容可奈何。旋笑買山錢未辦。

五

驚聞拍案債彌多。折臂病似夏畦子。過眼榮如春夢婆。
箭已離弦收不得。敵廬深悔謝煙蘿。

時艱竟抱杞人憂。豺虎縱橫半九州。書上賈生宜痛哭。

詩如杜老例工愁。堅城無復登陴守。時浙江省 妙算誰

為借箸籌。縱使天心能厭亂。蕩平終亦賴人謀。

客中劔俠向誰彈。滿目烽煙實寡歡。將帥有權仍縱敵。

鬚眉欲老况卑官。才非濟世生何補。歸竟無田隱亦難。

羈旅更兼家國恨。此懷那借酒盃寬。余鄉晉燕亭贈袁

適如人意有余與此四詩亦云然此
中消息非箇中人不知也 斐松注

遣懷

糲食仍難飽，腐儒薄田空。復帶經鋤人，能避穀貧非。病
友到通財，誼便疏。豈謂守株思待兔，羞歌長歎歎無魚。
男兒不下牛衣淚，依舊元龍氣未除。

雨後春望

春宵一夜雨，原野淨纖埃。煙影鳥衝斷，花香蝶抱來。林
深猶積露，水曲半侵苔。此犢聲聲過，農功漸次催。

書感

我恨不如田舍翁，呼兒飯犢趨農功。歲完租賦酬應寡，

十六

衣食自給甯憂窮。今者詩書爲桎梏，坐銷歲月筋骨慵。

蠹魚食字未嘗飽，窮愁疾疾相交攻。捧檄思分太倉米，
行貨坐困如僵蟲。性情倔強恥彈缺，况遭薄俗皆癡聾。
丈夫意氣貴卓犖，胡爲坎墮纏其躬。報國須持畫日筆，
策勳思挽天山弓。節旌導前旗擁後，望塵而拜來趨風。
擊筑歌成還自笑，且將濁酒澆心胸。功名富貴那堪說，
局促駘駒將母何行。遇隣翁，荷篠至，吾我麻麥青芽莠。

將遊大梁

閒居生計拙，攬轡辦長征。俗薄文章賤，家貧骨肉輕。蕭

峭季

東坡慶崇

直過唐賢
季

沈受醜耶
百鍊之金

灌成季

坡詩家居
豈無食自
不安歎
意義各別
而同一真
擊季

條囊易整。慷慨劍長鳴。欲訪夷門監。同令座客驚。

出山詞

撫躬誰是巨川材。一檄文書又復催。未有林泉容我隱。
非關富貴逼人來。身難安享惟庸福。時際多艱損吏才。
欲取洛陽花萬本。他年也向滿城栽。和平淡遠情見乎
辭而才字一聯極
含蓄極醜。驥卻極有見地。信非
通儒不能作此等語。夢崧注

過邯鄲書感

羣寇鴟張戰伐秋。民罹鋒鏑正堪憂。先生縱有游僊杪。
試問而今睡得不。

過連鎮

昔年兵燹地。驅馬此經過。饑鳥竄殘骨。耕人拾斷戈。枯
節宥舍少。燼聚虜營多。未易瘡痍復。臨風喚奈何。

排悶

屢逐塵勞感慨多。堂堂歲月儘銷磨。差強髀肉年來減。
卻愧頭顱近已皤。爪印鴻泥傷梗泛。味同雞肋奈官何。
客中那有安心法。暫借推敲遣睡魔。

浮名雜業類駘駒。塵俗相侵筆硯蕪。官不熱中何害冷。
事多巧取卻宜迂。能除世累貧原好。望斷鄉心夢亦無。

健句季

是表聖骨
望一流人
物口吻下
此未易道
也夢崧注

弭患差因豪氣退，拚將牛馬任人呼。

馳驅甘讓祖生鞭，嚼蠟原知味索然。口慮入憎聊說鬼，身多家累欲逃禪。山鷄窺鏡憐毛羽，野鶴無軒少俸錢。幸結古歡能破寂，倦來亦復枕書眠。

抗塵走俗惜形單，客裏惟依一劍寒。胸少甲兵譏皤腹，家無擔石忍加餐。侯封祇借書城擁，蜀道爭如世路難。何日得吟遂初賦，笑擎盃酒浣征鞍。

登大梁城

自昔中原肆戰爭，感時憑弔一登城。塔穿上界天疑漏。

六

河走窮荒地有聲，中澤鴈鴻難集定。闕郊豺虎尚縱橫，信陵已去侯生老。誰建奇謀爲廓清。

征婦詞

昨夜羽書催太急，挽袂欲留留不得。雲鬢綠鬢罷縮梳，斜倚闌干淚沾臆。安得君心爲安心，易地纔知相憶深。若教曾對空閨月，詎耐長聽遠塞砧。聞道漢家有飛將，玉關定有刀環唱。侯封曾不悞丁年，玉帳金閨兩無恙。夜卜燈花燦，朝看蟠子飛。不知曾歷風沙去，時面目。今是非。

蠅

塵尾停揮入幕頻。房權甫到便撩人。聚形不自斷污穢。撲面何知解怒嗔。堪笑趨膾還引類。可憐殺熱竟忘身。秋風倏至無多日。底事營營太苦辛。

病中有作

已覺稽生懶。蹉跎減壯心。雨餘蟬破夢。燈暗鼠鳴吟。骨先秋瘦羈。懷入夜深病。癘驅也未。枕畔句堪尋。

秋夜即事

碧紗窗外月生波。響遞涼颿耳畔過。塞鴈叫羣蛩泣露。

九

秋聲分得果誰多。

重至歸德不寐有作

又滯睢陽跡。涼宵客思幽。夢回半窗月。蟲語一燈秋。宦擬媒呼雉。遊真磨轉牛。况經兵燹地。笳韻惹鄉愁。

張睢陽祠

見危惟識有倫常。壓陣頽雲想戰場。身且不存姬可餉。鬼甘爲厲魄仍強。因教朝李收三輔。豈僅淮陰降一將。我亦從戎頻掘鼠。撫時感事兩茫茫。

見鴈

清心脾

論古有識
詩亦雅健
張松注

塞雁來曾過舊都。帶將秋色滿平蕪。書空枉作橫斜字。盼到鄉音一字無。

小疾連日不出

轍迴車馬閉荆關。心遠何妨近市闌。詩爲苦吟兼入夢。身留小疾慣偷閒。茶鐺瀉雨添幽韻。梅影橫窗破瘦顏。料理琴書除俗冗。恍如高隱臥家山。

題紅袖插花圖

圖係劉午莊小照旁一女子拈花微笑。

解語妝成別有情。名葩終覺遜傾城。明知玉貌花應如笑向先生索品評。

襄城道中

依依楊柳路灣環。竹裏柴扉鎮日關。繞舍溪喧疑過雨。隔林雲抹不多山。干戈滿眼能逃劫。輪鐵磨人未許閒。便擬歸田留粉本。新詩繪出莫輕刪。

秋日渡黃

派衍崑崙勢建瓴。秋風瓠子正揚舲。濤凝金鼓喧鏗鞞。帆帶雲煙入渺瀰。積雪堆成沙磧白。濁流劃斷海門青。張騫欲乞黃姑巧。便泛靈槎訪玉駢。

劉君慕松爲作小照因予學爲長短句遂名曰填

詞圖而實未窺詞學之涯涘也滋余愧矣爰題

一律

數椽茆屋絕羃塵。佳樹蔥蘢點綴新。薄倖分調千歲鶴。
好花常駐四時春。才慚白石稱詞手。拍按銀簫負玉人。
俗吏久忘吟弄趣。拈毫卻羨畫中身。

題畫

古梅一株旁
有美人伫立

僊人姑射鬪清癯。一幅羅浮夢裏圖。若遇孤山林處士。
梅妻能免妒心無。

水仙花

儼然翠羽綴明璫。恍遇仙人水一方。性比白蓮尤好潔。
色如綠萼畧深妝。洛神解珮嬌生韻。漢女淩波步亦香。
難向瑤池覓芳躅。幾回飛夢過三湘。

舟

別離何必恨輪蹄。猶看飛鴻爪印泥。一去風帆渺無迹。
空教雲水共低迷。有味外味 饒淡

早行

驛亭鼙鼓轉深更。又望長途取次行。雁影帶霜寒有迹。
馬蹄踏月夜無聲。夢殘每向車中續。燈遠還從屋角明。

詞

體物語復
起脫故是
可貴季

堪笑癡情兒女輩。曉眠猶怯早鴉驚。

落葉

昨夜窗前葉有聲。飄來颯颯響柴荆。涼隨煙墮螢兼度。遲共雲飛鳥不驚。落日樵踪迷古逕。半天鴉點散荒城。洞庭遙憶波浪動。瘦到君山景倍清。

中秋醉後歌

嫦娥此夕開銀闕。人影天光兩清絕。有酒不盡今宵歡。玉輪西轉光陰瞥。君不見袁宏謝尚泛牛渚。論文達旦頻揮塵。又不見庾亮乘興登南樓。繩牀高踞樓上頭。只

三

筆無一點
塵埃仙乎
仙乎搗堂

今。今。月。仍。古。月。文。采。風。流。猶。在。不。舉。盃。問。月。一。招。手。月。影。墮。入。盃。中。酒。乾。坤。清。氣。吸。滿。懷。胸。中。頓。覺。絕。塵。垢。天。為。青。羅。幕。月。為。白。玉。盤。載。盃。飛。上。崑。崙。巔。憑。高。移。步。踏。月。窟。聽。取。霓。裳。鳴。管。絃。更。向。姮。娥。乞。靈。藥。醉。後。一。笑。三。千。年。

途中

客路寒添昨夜霜。勞人草草促行裝。天澄爽氣拖濃碧。樹挂殘暉染淡黃。野鳥漸棲同我倦。好山閒對笑人忙。今番復向并州宿。也望他鄉作故鄉。

錦囊佳句
好家概

途中

捧檄郵亭往復還。西風吹送白雲灣。鳥隨落葉下遙浦。
馬踏寒暉穿亂山。竿濫自慚齊俗陋。詩成轉覺客途閑。
車中漫道無公事。即景吟餘草待刪。

平定州署湧雲樓地頗高。做董薌叢刺史留。余小

酌賦贈

詞語亦確
語較之月
來滿地水
雲起一天
山更爲雅
鉢餽慎

郡齋絕頂啟雲屏。暮景朝暉擅此庭。一榻煙巒天際畫。
滿城燈火地中星。壁間佳詠詩難和。座上豪懷酒不停。
到此輿情能俯察。羨君新政建高領。

重

歸家旬餘旋又言別

幾日迴車款故關。柳枝復向路旁攀。離懷似水將分派。
短夢隨雲又出山。林鳥有情如話別。庭花笑我不能閒。
今宵若問停驂處。指點殘陽暮靄間。

見柳絮

客迹年年託異鄉。東西南北任徜徉。楊花漫擬同漂泊。
僅得殘春數日忙。

郊行

閒郊幽興也堪尋。收取詩材助短吟。野水到門知路曲。

詩中有畫
姓家樾

晚煙連樹覺村深。半川落照留漁舍。幾處秋聲雜暮砧。
緩步推敲仍未穩。投林棲息有歸禽。

余因謗去任鄭伯臣周棠孫以詩相慰作此奉答

賁戾投閒議尚輕。問君何事不平鳴。恩由法寓原疑酷。
清被人知己好名容我避嫌甘鷓退。殊他投熱笑蠅營。
危途曲盡呵持力。強項能無感愧并。

界人瓜代矢賢勞。挫及深藏合善刀。惟命是聽當軸貴。
後來居上積薪高。甘蕉宜斥因妨竹。嘉穀思培必剪蒿。
何管久為盜藪練。霜露一般恩及物。那禁疵摘互吹毛。
勇往捕以此獲謗。

言

是誰辯謗其陳書。借寇股拳合愧余。邑民臚陳操守政蹟赴省向方伯
怒宦味幾曾嘗蔗美。名場例比夢蕉虛。木緣先腐方生蠹。
罽毼已相忘豈戀魚藏拙。幸逢收局快補安昌年餘即去任免教
薄技笑黔驢。

漫說高軒鶴願乘。林泉也要福能膺。湖鯨散樹嗟奴去。
雞鶩爭餐笑我曾。薄宦真如巢幕燕。抽身聊作退堂僧。
拖泥帶水成何事。鱸膾秋江羨季膺。研鍊精純卓然名貴之章姪家樾
荅高蓮叔韻

嘉賓入室集簪裾。文采風流並灑如。除卻六經無治譜。

領聯可謂
至理名言
如鴻

滄染大筆
何淋瀝

本○來○三○傳○是○刑○書○佐治安昌簿書偶暇即誦讀不輟官箴共詡聞與頌
蒞任桐柏西獄牘能清特緒餘為寄斑璣圖一幅轄投
平皆有政聲難挽故人車

詠讀且見
性靈宛馮

誼投膠漆愜衷私同受譏彈畧似之時余被謫去任世尚脂韋
君有骨人將毛附我無皮不經磨折難言品留得窮愁
好賦詩遙寄報章聊代簡效顰終覺隗東施

賦閑

不○聽○官○鼓○息○器○喧○縱○住○衙○齋○寂○似○村○妻○慣○安○貧○勞○有○婢
兒○能○娛○老○弄○如○孫○移○花○入○塢○延○秋○色○引○蔓○編○籬○補○翠○痕

轉覺簿書述悶日此香幽趣未從論

圭

渡黃

又○鼓○夷○門○櫂○乘○風○放○客○舫○浪○頭○踰○額○過○龍○氣○逼○人○腥○治
並窮三策山東河決未復故道功真莫百靈有化蛇形而遊水面
某將軍也中原嗟未靖擊楫復誰聽

積健為雄
姓家樾

答鄭伯臣

奇概造深
姪鴻

惜○君○衣○薄○簞○吟○肩○我○亦○飢○驅○悵○各○天○白○傅○大○裘○工○部○度
一○般○同○是○可○人○憐

漫興

新聲名家

短。蟻。含。沙。避。未。能。漫。同。湖。海。氣。凌。矜。忘。懷。甘。作。無。腸。客。
守。寂。權。充。有。髮。僧。鼓。混。蛙。聲。宜。式。怒。弓。疑。蛇。影。木。難。憑。
鬚。眉。但。惜。人。將。老。根。觸。何。關。愛。與。憎。
覆。雨。翻。雲。互。詆。誣。誰。云。黑。白。果。無。渝。繁。華。春。夢。輸。能。吏。
頭。腦。冬。烘。識。故。吾。操。本。履。冰。心。易。潔。術。非。辟。穀。口。難。餉。
所。嗟。宦。海。浮。沈。日。空。憶。蕤。蕤。與。尺。鱸。

贈徐春癯

秋。風。未。采。太。湖。蕤。座。擁。皋。比。化。雨。新。君。已。繁。華。成。夢。幻。
我。緣。文。字。定。交。真。梅。標。瘦。格。稱。詩。佛。君。清。雪。舞。飛。花。勸。

三美

酒。人。邀。予。人。自。覺。東。施。慚。質。陋。爭。妍。難。效。捧。心。嬾。

靖難兵消寒會中題

道。衍。奉。王。白。帽。子。周。公。入。輔。成。王。死。惜。哉。不。負。殺。叔。咎。
輕。委。社。稷。庸。主。耳。書。生。發。難。從。藩。劫。兵。入。金。甲。一。炬。紅。
正。儼。如。石。訖。成。敗。震。濤。高。照。將。昨。同。噫。嘻。乎。既。戮。功。臣。
莫。予。毒。詭。知。變。乃。坐。骨。肉。天。心。母。亦。巧。報。施。出。其。所。備。
意。彌。醜。君。不。見。光。武。藝。祖。保。全。多。不。聞。同。室。相。搥。劫。論。

聞蛋

宏議上下千古不圖韓蘇大 雄健渾成議論正大應作史斷讀
文乃於詩中得之楚家從 之非徒以音節氣格勝也楚鳩

東原火炬

舌劍牛鎗

精思悍筆 時易千人 姪家棹

精銳鎗健 筆力奇橫 姪家棹

簡勁精鍊 議論亦極 乎凡春癯

呼燈曾覓豆花陰。愛向深更伴我吟。底事客中偏愛調。淒涼不似曩時音。

客夜

暫欲征輪歇。因投客館樓。寒燈孤枕。夢落月一村雞。宦拙官宜冷。情迂性未迷。惟將不平意。待爾候蟲啼。佳句不減

溫飛卿
姪鴻卵

答胡熙伯太守二十韻

繁劇誰堪任。樛庸力自殫。作型兼式度。感德盡披肝。欲使萑苻靖。方期井里安。擒渠探巨穴。射弩挽狂瀾。縱有

三

二語健甚
雅甚春雅

爰書定。常教法網寬。政刑仍保赤。衷曲藉抒丹。誇豈盈書篋。鋒宜凜筆端。力排綠貴骨。傲笑微官。竟被青蠅譖。幾罹白簡彈。腐儒爲吏拙。直道事人難。檄調思消患。函開發永歎。美詞多慰藉。直契共憂歡。降志承青睞。投閒免素餐。偶吟潘岳賦。不據伏波鞍。復荷佳章錫。旋薦硬語盤。龔黃曾婉治。李杜並登壇。傷類逢弓繳。創宜撫箭瘢。迂拘塵世窄。顛倒宦情關。自覺鉛刀鈍。差能太璞完。傾懷聊學步。丸舌愧琅玕。

寒衾消寒會中題

風調雨順
雅韻欲流
名家樹

誰道溫柔是睡鄉。青綾虛費軟棉裝。薰籠漸擬宵添火。
欹枕偏知夜有霜。雪卧山中魂亦冷。梅逢林下夢俱涼。
不須布被真如鐵。也似袁安凍欲僵。

寒窗

秀朗名家
樹

偶結魚罾傍晚灘。無邊風雪滿河干。凍膠細縷冰千纈。
冷貯清輝月一丸。絮擁船唇漁火暗。榜鳴港尾鴈聲酸。
銀鱸尺半應收得。換取村醪禦此寒。

題葉貞甫繁陽賑粟圖

雄深博大
名家樹

饑黎道殣歎無鳩。局外誰爲借箸籌。直欲手援天下溺。

天

都緣心契。廟堂憂陳災頓。使民蘇困。勿藥能教病有。
瘳。莫謂彼蒼私福汝。救荒從此賴良謀。辦賑後貞甫抱病幾殆夢神授藥餌病乃獲愈

歌妓

球排字字
圓然家樹

花月可憐宵鶯聽。百嚼嬌曲。媚偏樂。顧魂弱。不禁銷。嫵媚波舒眼。輕盈柳妒。馨辛將。裙帶挽否。亦上青霄。

入山

奇警名家
樹

峯巒疊出勢糾紛。路擬蠶叢險不分。山聳石稜齊露骨。
樹穿巖隙倒盤筋。繁星亂蹴蹄間。火危。逕時拖杖底。雲

莫恃崎嶇成盜藪會看探穴靖妖氛時奉委捕盜

永昌妓姓何名秀貞滇南回

氣節本天性不因良賤死永昌有妓女大義偏匡扶風

偕文士恣談讌偉節崎行屢欣羨妓結納滇南名士樂談書史自傷

命薄落平康歌散酒闌淚偷灑邊城殺氣連雲屯鳥驚

歌散如亡羣割舌不聞頻太守斷頭幸免蜀將軍城破

都闖未能殉節昔聞梁夫人破虜執桴鼓又聞毛惜惜太

罵賊血膏斧同是青樓人並堪光册府古井波瀾誓不

生妾心將與同比清豈惟教坊足增色水泉寒冽生幽

元

馨吁嗟乎善終不必皆善始一死足洗生前恥狄斜况

是女兒身冠蓋鬢眉彌愧死章法完密音韻鏗鏘令

題周獻臣菊隱圖人一句一擊節如家榘

聖代何庸隱高風未許慕菊緣情共淡人與古為徒愧

我腰頻折當官口莫餽君家新黍熟佳釀足醅無

書胡萼亭傳後

士氣培昭代酬

恩到布衣都綠仁義飽不覺薜薇饑君以布衣受馬公聘八寨夷人之亂

起執淨職包掃一切姪家榘

感慨淋漓直逼香山樂府嫵瀟

步代齊整萬斗森嚴姪家榘

不枯不脫恰值題稱令人捧讀之餘悠然意遠姪滿

字字穩鍊名貴高華姪家榘

被獲不食死 砥節生無忝 呼天死可祈 壁上書 食生敗名尤 逝移忠堪作孝 觀感盡獻歎 殉節後 寡人聚 觀有出涕者

姚致堂於上巳日約予偕高荔樵周獻臣徐春瘞

彭箭九周石君為金梁脩禊之集箭九有詩余

亦和作

明如手
山上行

也學蘭亭泛羽觴 臨流盃渡水痕香 人能處困隨緣好 官為投閒鬪韻忙 徐春瘞因公罷官予 晴喜花烘茵藉 暖春憑柳繫線添 長萍蹤佳會原難得 况有新詩耐品

章箭九首
先倡作

三

紫簫吹暖賣錫聲 恰與東君訂酒盟 恬退已教成吏隱 清貧都為負詩名 去冬結消寒會造臘鼓催 樓臺倒影

浮金碧 花鳥怡人解送迎 後日視今今視昔 風流應亦 年皆因癖瀆歲事而止

費公評

意能纏綿耐
人尋味狂鴻

偶興

閱竟文移放晚衙 蕭然心境似山家 養生學配君臣藥 適性閒栽姊妹花 影射筠簾馳野馬 聲喧畫鼓笑官蛙 公餘旋作書生態 一卷陶詩一盞茶

送王衣臣旋里

詩境如萬
斛珍珠隨
地湧出

直逼盛唐
楚鵝

晉語下字
都從戔子
過來未

警拔姪家
撼

唯切之至
亦近成
家德

風味絕似
劉南姪鴻

年年薄宦滯天涯。夢裏關河別恨餘。况是客中送歸客。
君家鄉國即儂家。

三四句與以園莫漫東回首一聯
神味相似似令人百讀不厭姪家撼

郊行

縱橫阡陌路西東。淡淡煙痕款款風。村柳倒拖牛背綠。
野花低襯馬蹄紅。泉。砉。危。石。潭。疑。雨。雲。羣。羣。峯。半。入。空。
欲訪徐熙留粉本。卻忘身在畫圖中。

望太行

嵐氣青無極。凌空勢不羣。地維連晉豫。天塹界河汾。雷
雨幽崖悶。陰陽絕壁分。傷心親舍寂。何處望飛雲。

五十自詠

萍梗年年作宦遊。倏然五十竟平頭。難將詩思追高道。
敢謂功名類馬周。壯不如人何况老。得之有命又安求。
升沈莫向成都卜。已似忘機海上鷗。

閩中書事並簡鄭伯臣

圖書閒擁絕塵氛。寶鴨爐香細細薰。蝸吐壁涎成篆籀。
蜂銜窗紙作羅紋。竹聲晴弄一庭雨。槐蔭涼侵半榻雲。
幸有鄭虔堪贈答。推敲時與共論文。

贈孔麗泉

渾灑沈醇
一氣貫注
疑家機

知君早歲遇長纒，秘授靈樞肘後方。海上攜來不死藥，人間幸得返生香。
君善青囊術，小妾丹燒五夜龍。蟠鼎有疾延治獲效，已足松雲易軒冕也。因博愛詞，涌千言馬脫韉。詩數首。

夜坐納涼

妙景如繪
姪家樾

星河方案戶，遙夜坐軒楹。露墜螢低度，雲飛月倒行。池荷澄夏氣，庭樹聚秋聲。此地無塵俗，新詩脫口成。

感賦

迂踈也自笑儒酸，治學鳴琴一再彈。已負山靈慙作客，

三

精與語自
成一家樾

但耽書味拙於官，浮生富貴真仍幻。晚近功名易亦難，且喜訟庭涼蔭好。芸編聊結古時歡。
三聯對意亦勝出，俱耐人尋味，不盡姪家樾。

午睡

綠窗清晝長，籟寂夢逾靜。不覺日移陰，薄身是花影。

新秋

與聞中書
事同一格
調置之務
觀集中應
無以辨樾

坐愛梧桐滿簾牀，西風輕度鬢絲涼。虫蝕病葉成符篆，蝶抱寒花裹糗糧。紫豆摘蔬供野饌，綠蘿牽蔓過隣墻。燕雛也解還鄉好，為習歸飛盡日忙。

題孫厚甫林亭

領聯取典
經史奇警
絕倫好過

雖止四句
曲折與行
數層都到
真筆妙似
環也宋棍

五雀六燕
鉢兩悉稱
姪家棍

妙語徑家

別有寄語
姪溝

園林幽靜貯煙霞。蛺蝶雙飛引逕斜。新筍共爭膝。薛長
繁。花。競。鬪。愷。崇。峯。石。因。水。拜。靈。生。竅。松。卻。秦。封。怒。欲。擎
愧我俗塵難掃迹。草堂休遣白雲遮。奇創得未曾有姪家棍

後浦索詩近有小疾未嘗搦管賦此奉答

長卿常愧搆思遲。况值梁園病渴時。卻喜誦詩能愈瘧。
寄詩轉索杜公詩。曲而能達姪碼

吳天衢贈菊數種賦此致謝

遙從粟里傲歸裝。分得東籬一段香。天衢曾筮仕江三西時高尚家居
逕就荒仍薄宦折。署豈獨愧柴桑。

九日登北極閣

晚秋覽勝集層臺。香散旃檀道院開。風捲河聲依檻落。
日移山影過城來。菊花應笑雙蓬短。霜信都憑一雁催。
此會罰同婪尾酒。予齒長而詩獨後成詩慚老鈍且銜盃。

晚行

暮色遠蒼然。星河倏在天。亂流衝月碎。叢樹抱烟圓。雁
冷呼羣急。鴉棲占客先。輿中搖短夢。夢亦聳吟肩。

哀柳

蕭疎非復舊時春。涕灑金城是可人。幾曲寒流半規月。

慣從冷處寫風神。餘味曲包姪家謎。

冬日甚煖

雪意連番釀未成。朝暉送暖透軒楹。凍蠅驟喜春來早。誤觸晴窗作鼓聲。

題鄭蒙泉引盃看劍圖

圖繪美人挾劍而立

緘口惟宜酒飲醇。十年兵燹不堪論。青萍聊付公孫舞。合寄雄心與美人。

感舊

無端摧折到梅邊。破鏡從茲不再圓。薄命已先殘臘盡。

三四

餘生僅許一朝延。臘月二十六日。姬人初度至二十八日而逝。返魂香斷綠

難續。懺佛情癡事可憐。病中誦經。有碧苔行跡在休教

蹴損玉階前。

香銷池館倍淒清。賸粉零脂觸緒縈。主饋並能隨大婦。

學詩偏喜拜先生。曾憐倚枕腰肢瘦。無復褰簾笑語迎。

此後只應魂夢接。那堪好夢也難成。

亡姬久不入夢感而有賦

古謂畫所思。夜形諸夢寐。神應與魂交。皆緣想而致。何乃情所篤。華胥不一至。得無結念真。幻境難嘗試。有慕

多情乃尔

聲調凄清。不減義山。無題諸作。世愚姪舍。山袁慶豐注。

一氣相生。有水到渠。成之妙伯。臣注。

落思絕佳。冗梁讀。

一往情深
世愚姓名
山素慶豐

而即來擲揄鬼相戲我傷長逝人久已散魂氣精爽無
可通又難標詭異何如幻夢來轉慰相思意

清明酌王姬置卽事

悲流頽外
世愚姓名
山素慶豐

羈魂留滯倚天涯麥飯携來日正斜零落紙錢飄未定
饑烏銜上野棠花

中元有感

感昔悼今
言堪泣鬼
世愚姓名
山素慶豐

病中猶記語諄諄了却前因結後因若誦靈篇能度眾
玉簫應作再來人

題女士團扇杏花

三五

數枝曾映酒帘紅勻注臙脂日乍烘留得江南好春色
不教團扇怨秋風

卽事

神似中唐
世愚姓名
山素慶豐

官齋心境寂幽意逗軒楹寒蝶滅狂態風蟬無定聲詩
借秋並瘦節愛竹同清塵俗思全滌梧陰一卷橫

九日登北極閣兼寄陳雲槎

頸聯絕工
移易他處
不得雙注

官齋厭作寄居蟲約客登臨逸興同風緊濤聲艦閣上
樓空天影落盃中菊無陶令花偏斬糕愧劉郎句未工
重陽無詩因雲槎索獨有元龍豪氣盛茱萸醉把韻爭
句次日方爲補作

雄。

遊北極閣道院

危樓縹緲聳城隅。景物留連也足娛。蘇附枯松龍有甲。

藤纏怪石虎生鬚。千林落木催頻急。一抹遙山淡欲無。

爲問興亡前代事。鐵獅斑剝臥庭蕪。鐵獅為前明故物

強項令

強項令稱董宣。豪奴格殺在馬前。王怒詠帝欲鞭朴。楹

前血濺以頭觸。帝教謝罪來王家。兩手據地爭喧嘩。此

項可斷不可屈。項屈無能伸。漢律縱令拗折復奚恤。吁

慷慨而言
筆能屈鐵

三五

嗟乎唯諾盈庭。明哲保身媚骨尙憂不諧。俗此老倔強。

宜遭戮幾稱大度。劉文叔沈痛淋漓議論亦復奇警方之明史小樂府有過之無不

及也伯臣伯臣前評極確。吾無問然豐注。

前評極確。吾無問然豐注。

寒鴉。霜晨夢易醒。漸隨落葉散零星。隊盤古戍層雲黑。

陣結秋香萬點青。衰柳數株村舍晚。寒流幾曲客帆停。

料應織錦秦川女。啼徹宵分不忍聽。

有感

渾脫流麗
慶西注

感慨中不
失溫柔敦
厚之旨伯
臣注
起結處安
唔排非
老手不辦
慶豐注

憇不嫌惡木陰飲莫擇廉泉水孤標立異多怨尤混俗
和光聊復爾君不見磽磽易缺皎皎汚涉世由來少坦
途銷骨爍金弄簧舌快心傾軋誰相扶嗟予餓鴟守腐
鼠難趁秋江張翰鱸若欲孤高比雲月何如早結山中
廬行將改我絃易我轍不爾臨書肘先掣何況世路之
險險無形峻坂顛危逾九折咄哉太白行路難僅畏河
水與山雪塵網何時得奮飛崎嶇轉向山林說

調省留別安昌士庶

此生只合侶漁樵壘塊無須濁酒澆宦拙何堪仍強項

三

官閒且喜暫伸腰敢云簧鼓多偏聽未許風標勵下僚
得失近來參更徹渾如鹿夢覆陸蕉

未知颺鼠飲河無海畔偏傳逐臭夫河工賠累五千餘
說者謂有侵蝕

作宰慙同雕楮葉兩任未滿三年
地方亦無裨益去官例比換桃符兩
詞省僅

隔一年人能潔已貧非病事可捫心夢亦娛漫詡爍金

緣眾口任教儕類馬牛呼高其惠尺而收早許山中

浮名慚勒道旁碑交卸時士民
建有碑碣未許齊竿復濫吹滄金

每愁魚共爛觸藩應笑角偏羸沁堤勢將潰決請
欽脩培由此招誘勤仍

無補唾予拙痛定方知涉世危防患轉教人抵隙言輕

善戲謔兮
慶豐注

不平之鳴
激系有奇
氣元梁讀
自與自嘲
如語前兮
一什豐注

通百不脫
邊字為前
人咏物詩
所無豐注

大處落墨
豪慶豐注

不減前人
狹巷短兵
之句豐注

徒愧宰官卑。

嗟余何惠及安昌。來日歡迎去不忘。拆獄尙慚爭雀鼠。
求芻無計牧牛羊。世情宜效圓斯轉。直道尤嫌劍有鉞。
傾倒此衷兼贈別。離懷時事雨蒼茫。

湯婆

擁衾無異寵專房。和氣偏教妒忌忘。色相皆空准借煖。
溫柔可戀亦名鄉。夢為行雨饒春意。老尙鍾情具熱腸。
底事耐寒貞歲暮。也將恩愛判炎涼。

丁卯十二月賊撲武陟倉猝議防賊退示寨中首

事

三

夙知眾志可成城。鶴唳風聲莫遽驚。一戰允文諸將愧。
功名原許出儒生。首事多諳
生故云

夜深憑眺女塘高。甘苦相同豈憚勞。刁斗森嚴千帳寂。
月華霜氣滿弓刀。每夜巡
寨塘

阻風不得渡

陡捲驚飈萬竅鳴。長河倏作怒濤聲。何須迭喚公無渡。
已識風波不可行。

讀史

論古有識
音節亦勁
雅入古表
慶豐注

累表必言迎。二帝詎知隱。觸高宗。忌敢興。窳獄壞。長城
賊。檜都緣。窺此意。

荅周獻臣題填詞圖

紅歇香銷樂事休。紫簫吹斷已三秋。而今淒絕張平子。
不譜雙聲賦。四愁。

雅切豐注

響板停敲可奈何。新詞並少雪兒歌。獻臣姬人。逝世曾賦斷腸詩若干首。
憐君又續潘郎恨。近有騎省之賦。更比張先老淚多。

苦雨歎

開合動盪
神似杜陵

正月二月時飛雪。三月四月雨不絕。武乙射穿成。漏天

弄

素慶豐注

神來之筆
姪慶豐注

瀉盡銀河點。無色古汴城邊多積沙。危堤四聳中成窪。
樓臺倒影漾金碧。出沒不辨龍與蛇。大王將軍屢次現形。識者皆能辨之。
老屋傾欹墻壁斜。烟沈竈冷旋生蛙。桑田倏爾變滄海。
農功坐廢徒嗟嗟。羣賊此時擾三郡。大河以北成灰燼。
翻盆安得雨洗兵。濯淨干戈無血刃。不爾朝曦乞綠章。
雲霾捲盡隨風翔。麥隴晴烘餅餌香。不憂水患籌隄防。
嗚乎天公鑒此豚酒。祝長夜沾濕不歎杜陵屋。

聞賊陷南皮三首

故國傷殘破。傳來拍案驚。關河魂夢苦。兵火死生輕。日

沈清語注
袁慶豐注

忠愛之意
見於言外
姪慶豐注

聲情悲壯
兄須請注

一字一淚
姪慶豐注

費

天。家。帑。星。羅。大。將。營。如。何。畿。輔。地。亦。任。盜。縱。橫。

其二

已。成。心。腹。患。豈。僅。室。家。憂。卧。榻。人。酣。睡。荒。原。鬼。聚。謀。歲
逢。饑。饉。後。民。值。此。離。秋。能。否。同。袍。詠。甘。心。敵。與。讎。

其三

將助承

思。久。兵。戈。釀。禍。深。爭。誇。敵。愾。畧。可。有。濟。時。心。中。澤。哀。鴻
集。顏。垣。劫。火。侵。升。平。何。以。荅。愁。絕。杜。陵。吟。

四

雨夜有感

民。非。死。寇。死。於。丘。劫。運。難。教。禍。亂。平。一。夜。雨。聲。淒。楚。甚
天。公。也。似。哭。蒼。生。

效黃陶庵野人三首

野。人。歎。息。賊。氛。惡。縱。橫。畿。輔。來。穎。洛。民。習。承。平。不。解。兵。
室。家。流。散。恣。焚。掠。土。崩。瓦。解。村。為。墟。相。如。四。壁。今。在。無。
吁。嗟。八。命。猶。草。草。葺。爾。蝸。廬。安。可。保。

野。人。歎。息。脂。膏。竭。咄。咄。養。兵。如。養。賊。任。於。公。戰。槩。私。鬪。
猶。收。餘。燼。供。饕。餮。此。日。更。聞。破。民。寨。橫。行。白。晝。尤。無。賴。

諸稿更自

痛心豐注

筆力健舉
足書所見
兄弟讀注

起句寫盡
情景豐注

嗟哉酷虐賊不如倏見軍門飛捷書

野人歎息民何辜迭經兵篋與賊梳鹿不擇陰旋走險

變生肘腋殊堪虞明知發難王法誅危途不履無坦途

將軍難使兵衛國莫迫斯民盡為賊收句即明盧忠肅

但無使民為賊語意而出
以韻語更見沉摯慶豐注

亂後喜接家書

難懸擬

慮傳音耗惡轉怕有書來悲喜懣效危遲疑未敢開十
行期並下一笑色初回深幸遭兵燹曾無化劫灰

偶詠

四

身世真如不繫舟夷門重到任勾留雲拖水氣晴還雨
樹攪風聲夏亦秋故國尚聞金鼓震微官難作子孫謀
却欣近接平安字虎豹叢中有傳郵

奉飭回安昌感賦

憊愚常被口雌黃鳥數驚弓也自傷市本傳訛幾信虎

牢雖可補已亡羊詩吟秋興將招隱八月始奉飭如夢醒春夢

又上場依樣胡盧成識語居然三至表虛堂被撤時范

謂不過如前次罷留數
月耳還可名三至堂

舊識雲巒覺有情儼然鄉國盼歸程常懷小草出山諳

宛轉深情
有怨而不

恣之意即此可規後福慶豐注

彌愧香。花夾道迎。荒政亟思援。水溺沁隄決口未合。好官不僅

河上有感

銀潢倒落浪喧。箭激龍門去不回。帆遠影疑天際立。波澄秋自鏡中來。拍隄水瀉礮山急。六月為礮山。水鼓是月下句隄潢。柑歌傳瓠子哀。澤畔鴻嗷聲未斷。宜防空憶濟時才。

自慙

自慙宦拙百無能。也逐塵勞覓斗升。閒主雲山忘是客。病宜蔬笋恍疑僧。輪因游倦思生角。觚欲隨圓曷去稜。

四十五

只為年來三黜慣。怕教風骨說峻嶒。

堵築沁工連日風靈詩甚

率遏橫流勢。遑云力已痛。風刀寒割面。水纈凍凝鬢。磯險聲尤壯。沙飛眼欲枯。塵堆顏孔厚。俗狀笑糝糊。

途中

筍輿搖曳大隄東。恰與嬉遊逸趣同。峯出雲頭挂天半。樹穿石骨撐地中。泉鳴琴寫無絃韻。路斷橋橫飲澗虹。深羨山居塵不到。飛柯未許俗緣通。

除夕書感

功名那復到。儒酸宜轍銷。磨歲已闌。仕僅爲貧。今古慨
官仍增累。去留難性迂。未必癡能賣。竅斷徒嫌璞。不完
弘。誇無由聊守黑。江湖何處覓漁竿。

渡黃

輿中眠欲穩。將夢渡河濱。馬踏寒沙月。帆飛極浦雲。霜
嚴鈴鐸靜。烟盡水天分。擾擾舟車客。何時謝俗紛。

題李芳園十八羅漢圖卷子

朝來慧日懸珠光。鼻端恍覺旃檀香。庭院倏成衆香國。
天花歷亂隨風颺。畫師那有此龍禪。一彈指應是李龍

聖

子不得移
易柳卿注

草蛇灰線

揭明主意
方非泛詠
雜漢

眠否亦吳道子。東坡昔詠羅漢圖。設景造象今則殊。山
雲海氣相模糊。魚龍獅象供馳驅。洵知佛法廣大無。不
可萬千變相誰能拘。未知此卷何由做。意境靈奇足珍
賞。莫同景德去修齋。失卻雲堂第五像。又聞僧繇曾畫
天竺僧散離示夢求其羣。贖費陸公十萬緡。沈疴頓起
能回春。主人素喜腰腳健。近覩孟蛇成隱患。芳園近法
有假疾法
力猶酬畫裏僧矧。茲十八阿羅漢。吁嗟乎塵網既罹疾
苦多。五濁八垢心之魔。誓欲同登選佛地。蒲團對坐雙
頭陀。先我而佛壽無量願。藉此圖作券無差訛。

買舟載王姬歸葬

起結一氣
筆淚襲掉
在處豐注

玉棺載得返江村。望盡風帆淚暗吞。不忍忘卿豈忘我。
從知歸骨未歸魂。可憐歿後埋邱隴。莫及生前識里門。
賴結冢男夫婦伴。冢男先姬而歿與伊元配皆浮屠重泉聊共話寒溫。

感歎

雌黃久已少真評。寵辱由來未足驚。慣耐折磨成傲骨。
不求與援得狂名。有謂予為狂士者泥中龜尾羨頻曳。仗下馬
聲難一鳴。負郭倘能謀二頃。謝將簪組事躬耕。

望月感舊

四

靈藥偷來月可奔。仙蹤猶記語黃昏。祇今一樣團圓影。
賸有寒光照墓門。

贈張維楨

愧比葵能衛一身。迂踈復被長官瞋。祇緣梁市曾訛虎。
誰信曾參不殺人。公論獨持風骨勁。人言可畏見聞真。
拜恩未肯來私室。也識心誠繫此民。

夷門未得久周旋。嚮返安昌恨各天。賴有謗書成作合。
更兼文字締因緣。綠世途皮骨無真賞。我輩頭顱祇自憐。
仍愧餓鴟貪腐鼠。西園何日一樽聯。兩家皆有西園故云

查工至張村大王廟小憩

野漲初添水半渾。大隄周歷憇孤村。雲拖雨氣還歸岫。
波挾山光送到門。餘潤積塋苔有篆。急流漱石樹懸根。
瓣香視滅喧塵勢。勿使新痕上舊痕。

燈花

更比唐花異。空枝燕倍妍。蔓縈盤裏豆。蕊幻火中蓮。借
煖扶根直。籠煙結蒂圓。料應芳訊到。預爲報燈前。

蘆花

瑟瑟蘆花弄晚秋。煙波來往送行舟。多應闕盡離懷苦。

星

任是無情也白頭。

雨夜聽琵琶

但聽琵琶語。大公淚亦多。聲催黃葉老。燈逼嫩涼拖。宦
況同飄梗。年華歎逝波。較他襟上酒。點漬又如何。

冬夜書感

臥聽巖柝夜三更。短夢難成百慮縈。積瓦霜爭寒兔影。
觸楹風作餓鴉聲。宦情欲逐殘冬盡。官味恒如止水清。
思去未能留未得。此生羈絆是虛名。

病起口占

直奪劍南
之爵廷鄭
編讀

年來衰病漸頽。唐春到難消鬢上霜。伏枕好尋初斷夢。
撥爐重篆未銷香。身宜歸臥山思買。睡偶成詩句易忘。
辟穀茹芝仙藥少。忠州且錄養生方。

題漁父圖

捧檄匆匆別故關。嗟余十載抗塵顏。釣徒舊屬吾家事。
何日煙波任往還。

聯梅溪有雷鑿以之祈雨輒應王鐵臣有雷斧想
功用畧同爰索贈而系以詩

友人示我雷公鑿。簡鏃三稜利鋒鏑。赤銅盈寸渾然成。

吳

韻挫

軒然大波
筆力恣肆

引證淵博
妙有議論

折入作意
慷慨淋漓

又作一波
筆力軒騰

人力不須假雕斲。云持禱雨殊有靈。驚起龍眠伸尺蠖。
鐵臣游宦來粵西。鬱林紺石恒相攜。贈予破山霹靂斧。
雲根劈裂刀切泥。是何神物不知寶。棄置一朝真草草。
得無歲久減鋒鏃。發硎別試天工巧。此外雷楔曾空聞。
利器徒說成風斤。不知天公何事修。武備象物亦欲張。
吾軍。又聞蒼玉之斧名劈正。時逢朝會齊秉令。上天豈
欲警百靈。亦假豐隆持其柄。豐隆雷神名今者雷斧落吾手。
枉此大材嗟負負。此邦或亦多積疲。時東鄉有鄰境盜案剛克詔
予施擊剖不爾精銳走雷霆。真氣定能驚戶牖。轟然雷

亦如神龍
不可捉摸
袁順之注

鼓震蟄龍霖雨崇朝周九有縱教操運遜神工我亦寶
之爲世守縱橫逸宕磊落英多而起伏照應無法不敗是真老斲輪手世愚怪袁慶豐注

自題小照 挾香告天圖

強頂公自
爲寫照

此公自知
勝於人知
者

薑桂之性
見乎詞表

餘韻鏗然
卽清獻當
時亦難覓
贊議也

古來不朽原有三德功與言不相假愧我庸碌已虛生
藉存圖畫尤堪詫憶昔筮仕來中州安昌幸得一枝借
支離已覺面目非倔強常聽長官罵不及五斗學淵明
幾同三黜啞柳下如何上擬清獻公琴鶴謬欲同聲價
或謂清操果自持焚香亦可盟清夜嗟余不食類懸匏
考績豈徒避三舍美蹟難期接踵成虛譽端合免冠謝

望

何當稍蓄買山錢官罷妻孥貧不怕誓將放鶴並懸琴
詎燕辦香期匹亞煙簑繪作多牛翁短狐或免含沙射

以慷慨淋漓之筆寫牢騷感憤之情蘇長公所謂一
肚皮不合時宜者其亦有爲言之乎要之慈祥體悅
善政及人一點靈臺固非丹青所能狀也如讀此詩
以爲此老倔強傲骨則真皮相者矣世愚姪慶豐注
毛子遇先生謂聲音節奏純似東坡子
適讀坡仙詩得此語爲之一快自記

輓李象九

有子魁春榜無家寄此軀名增貧士累老作客星孤空
憶范公麥難陳徐樞芻何時正邱首宿草滿平蕪

庚午春榮膺

誥命三代皆贈二品封典欲遂議先慈殯事悽然

有作

一語轉入無限深情

諸語從肺腑流出令天下孝子賢孫同聲一哭

五花譜軸輝天章。天語褒獎光煌煌。小臣遙拜喜對揚。感極而悲心轉傷。富華不如貧養。生榮較勝死哀。虛文追贈。何若承歡戲綵同老萊。吁嗟乎五色之詔外。觀有耀布奠松楸。親去不留。何況十載椒漿未及奠。一官羈滯。仍沈浮縱使歸去。鐫碑列鼎望墳祭。無益毫末恩奚酬。檄持毛義愧多事。古賢純孝誰與儔。嗚呼古賢純孝誰與儔。至情至性可泣可歌。而音節自然。純乎天籟。沈讀數遍不禁悲喜代為交集也。姪袁慶豐拜識

哭

對竹有咏

吏能不俗方愛竹。招得幾枝穿戶綠。得勿虛衷契我深。也自低頭甘屈服。清陰披拂入硯池。爛如蘋藻涵清漪。笑彼畫圖作摹擬。天然筆墨誰堪追。中有兩竿方解擇。棹弄曉煙龍尾弱。鄭重他年風雨宵。起看龍孫忽飛卻。起四句天矯不羣。力可屈纖。忽接以娟秀之筆。可謂剛健婀娜。兼有其勝。收處與會。感舉荀氏八龍之譽。豈虛語乎。袁順之注

接差宿宵郭驛

巡邊大吏忽鳴騶。荒驛羈縶數日留。心事孤懸半稜月。

雨聲涼納一窻秋。味憐薄宦同雞肋。相可封侯屬虎頭。
似此升沈應已判。忘機海上侶沙鷗。

接差宿寧郭值雨

簿書久述悶。古驛且羈留。山氣濕蒸雨。風聲涼過秋。
勝疑翠潑漱。玉聽溪流道左紛。迎送幾同物外游。

謝彭箭九饋松毛鼯果子狸

老彭憐我吟詩瘦。欲借花豬相補救。肉食又慮俗難醫。
氣清不礙味。俱厚薰來紅玉松。毛香山果文狸充稻梁。
肥鮮縷切薦賓客。時覺花木饒芬芳。清腴羨君書滿腹。

巽

仁人之言
身分自見

如列珍羞窮所欲。嘉薇分我潤枯腸。鮭菜不虞食無肉。
自愧年來糜俸錢。鼠牙難免乾餓餘。餘縱異向人乞。
饋食啜子真素餐。大氣盤旋細心熨貼真
得蘇三味壹順之注

有感

聲情激越
音節沈雄
如聽蓬石
之節相伊
之節壹順
之注

守黑兼能更守雌。髻齡未得賣猷癡。九州游歷音強半。
百歲推移今可知。故國河山衰草外。好官優孟上場時。
相如病渴尤踈懶。臥向梁園有所思。

風塵俗吏異清班。桑柘空思十畝間。到老不饒惟白髮。
收場何處有青山。冠難竟挂貧銷骨。俸愧常糜藥駐顏。

歎息葦蘆鄉味好，秋風江上幾人還。

感事

慷當以慨

表海雄風莫漫誇，旋看荐食引長蛇。誰將門戶開重錦，竟使華夷共一家。鼾睡已教聞卧榻，橫流那復有津涯。可憐婦孺遭刳剔，猶謂訛傳市虎譚。

九期揚波聊爲洗腥臊，振臂喧呼氣倍豪。大似五人搗厥衛。

感咽蒼涼
唾壺欲碎
幸願之注

九廟展戎韜，羣同鳥獸終非伍。恩逮蠻夷只自勞，南宋金縉殷鑒在，損威更復竭脂膏。慷慨激昂讀之令人拔劍起舞受業李良先注

出郭

辛

吏舍苦踣促，出城恣徜徉。凌晨露氣濕，草木清有香。秋風颯然來，禾黍將登場。引我歸田興，愧茲俗吏忙。三逕慮蕪穢，決退惟柴桑。如何觸藩羝，進退偏兩忘。冥飛羨鴻鵠，弋者何所望。

夜坐

葉葉西風緊，秋聲條滿庭。星拖止水白，螢閃暗叢青。積爽詩增健，迎涼酒易醒。那堪蟲語急，客裏十年聽。

書懷

盤昌錄

一朝義憤誓同仇。和議偏思爲己謀。七十二沽鯨浪吼。不輸金帛也包羞。淺一層說含憤更深袁順之注

途中

掠地西風已乍涼。肩輿常爲送迎忙。寒蟲色混秋莎綠。瘦蝶衣分病葉黃。肆罵文移官潦倒。半欹禾黍歲豐穰。新詩例作途中課。笑我仍難結習忘。自警自嘲如讀簡今一什袁順之注

瓶插並頭蓮戲詠

不將孤影寄伶仃。並蒂蓮開插膽瓶。好似聘來花姊妹。水僊也爲賦湘靈。

至

題任靜杉直刺汴水歸舟圖名重光

宦途直枉楫誰得去。翻然從此風波靜。都緣識力堅。自慚三黜慣。倍仰二疏賢。何日歸數賦。高歌共扣舷。

重陽登北極閣

例許重陽作近游。客逢吹帽盡清流。痕添雲物樓間篆。聲助波濤樹杪秋。對酒偶思顏可駐。簪花難稱鬢增羞。陡看山色來無際。今日城憑最上頭。閣因城爲之今故脩城惟北頂加高

秋夜有懷

蕭條秋氣肅。羣籟滿虛堂。落葉下如雨。前宵寒有霜。離

情景兼到

一氣貫注五律正聲幸順之注

簡練名貴詞響唐音

章順之注

愁牽斷雁涼夢醒啼蜚楚水燕雲外相思孰短長近接家書

而四兒又有鄂渚之游

聞蛩

前半有無限感慨音節亦古雅姪慶豐注

蛩聲聽不得異地况秋深暮雨落黃葉荒城催晚砧徑堆青蘚潤響入碧紗沈轉羨癡兒女呼燈每共尋

五



讀此本後
而四兒又自

從家制到病憂細細添發本結寒心時感得

詩餘

渤海張葆謙牧鼻

春閨怨 如夢令

小院夢回鶯喚正。值落花零亂。薄倖幾時歸。愁殺夕陽
天半。留盼留盼。蛺蝶雙飛不散。

中秋感懷 念奴嬌

玉輪高揭。望浮雲捲盡。一天秋碧。計三五年華暗換。多
少風流裙屐。對酒當歌。素娥西去。倏已為陳跡。徘徊風
露。不知今夕何夕。猶憶桂殿探香。眾僊隊裏。玉女曾

詩餘

相識十載頭顱仍故我。一去光陰如瞥。搔首看天披襟
弄影。欲待何人說。唾壺敲碎。舉樽還酌。明月

歌妓 阮郎歸

秋娘容與泰娘嬌。銀筆信手調。斷腸詞曲。可憐宵琴心
還暗挑。欽欲鞦韆重描。纖纖蓮步。搖蜻蜒。有意上花
稍。風前立不牢。

別情 賀新郎

南浦傷離別。恨連宵。香衾妒夢。欲尋無跡。游騎已隨春
去也。飛絮飛花狼藉。那更聽流鶯喚徹。除卻鏡中人一

金粟集中

佳句李

追神妙語

心草

徘徊十字

大蘇得意

之筆李

莫得小令
有此穠纖
季

妙語得未
曾有翼

箇更誰憐愁鎖眉峯窄惆悵意不須說纔知離恨難
拋撇悔當初行裝未整鍼神誇捷玉鏡臺前塵漸滿懶
把鉛華細貼惟倚徧闌干獨立羨殺呢喃雙燕子任飛
來同向雕梁歇誰伴我花稍月

寄張湛園前調

張緒風流絕憶臨歧佳章贈我詞霏玉屑邇日羣書觀
卓犖坐擁巖城一百羨此富居然敵國滿座春風披妙
緒對兒曹更燦生花舌時處余家西席思把晤無飛鳥塵容
俗狀何堪說儘途中雞聲馬影暗催華髮消盡壯懷成

數十字如
一何情深
文明詞家
止此觀

詩餘

底事奪我琴書舊癖奈容裏仍彈長鉞王祭依人非得
已詎度支謬擬桓寬鐵時余帶辦鐵務湛園贈詩有幹領還兼漢度支之句聊寄
語詞一闕

感懷滿江紅

醉月飛觴雅自愛名流徵逐今已矣俗塵三斗閒愁百
斛壯志銷磨清興減何時詩酒還相續笑今番竟作可
憐蟲真庸碌也莫受天倉粟也莫返家山屋但憑飄
梗斷車塵馬足擊笳聊尋燕市客伊誰意氣同傾屬待
來年何處任淹留思那放

客窗聽雨 賀新郎

涼夜人初悄。聽西窗瀟瀟秋雨。客懷顛倒。冷逼階前蟲語碎。淒斷一庭衰草。盡併作秋聲四繞。窗外梧桐門外柳。待來朝落葉添多少。幽砌畔。呼童掃。枕邊舊夢尋時杳。一陣陣風風雨雨。欲和愁攪。注到心頭聽更徹。竟把鄉心碎了。待欲睡。何能睡。好響答銅壺聲不斷。對孤檠。悶坐天難曉。看此夜鬢絲老。

別情

燭影搖紅

會少離多。游踪一去偏無定。瀕行私語細。丁甯曾說歸

詩餘

三

李影郎中
有此賦請
季

期。近去是海棠開後。又重見飛花成陣。博山爐冷錦字書沈。日長人困。好夢難尋。無聊端酒。慳病閒庭月上。又黃昏。女伴將誰倩。不念香肩瘦損。這回也因思成恨。恁般拋擲。縱有溫存也難輕信。

紀恨

摸魚兒

步芳叢。悄尋鴛侶。便得柔心先許。轉思小會幽歡。少怕惹離懷。千縷花解語。曾笑問小星可許。歌三五惜春無主。算桃葉迎歸。柳枝攀得。不比隨風絮。恨香夢啼醒。枝頭杜宇。聲聲喚春歸去。風姨驟拂花辭樹。惜莫箇嘴。

鈴。護。離。別。苦。看。灑。遍。襟。衫。都。是。梨。花。雨。離。絃。莫。拊。怕。調。譜。相。思。無。腸。狂。客。也。有。斷。腸。處。

秋思 瑣窗寒

響。遞。霜。鐘。聲。催。畫。角。晚。來。風。峭。參。橫。斗。轉。聽。得。寒。更。屢。報。悵。今。番。夢。遠。天。涯。銀。缸。剔。盡。人。孤。悄。偏。斷。鴻。叫。侶。寒。雲。低。渡。恁。時。飛。到。顛。倒。愁。多。少。似。落。葉。紛。飛。那。能。遍。掃。東。陽。瘦。也。怎。得。使。伊。知。道。細。思。量。我。已。難。拊。伊。知。道。又。須。怎。了。怕。空。教。感。損。雙。蛾。依。樣。朱。顏。老。

閨怨 前調

詩餘

四

柳。戀。鶯。魂。花。藏。蝶。夢。被。風。吹。散。寒。冢。冷。袖。底。啼。紅。漬。遍。使。知。我。恁。地。難。拊。東。風。嘶。騎。游。應。倦。怕。離。懷。牽。惹。消。除。無。計。錦。書。疊。換。人。懶。腰。肢。減。任。并。州。翦。快。怎。剪。愁。斷。呢。喃。對。語。瞥。見。棲。香。雙。燕。覺。此。情。兜。上。心。來。來。偏。不。去。如。何。遣。算。惟。有。好。夢。相。尋。不。怕。天。涯。遠。

彭箭九填齊天樂贈行余亦填此調留別

驪。歌。恰。值。春。將。去。淒。涼。舊。遊。英。俊。酒。掩。金。觴。琴。停。玉。柱。預。約。他。時。芳。訊。春。成。瘦。損。正。絮。落。花。飛。助。人。離。恨。柳。也。多。情。眼。偏。傷。別。倦。難。醒。來。朝。帆。影。竟。挂。載。離。愁。萬。斛。

極渾成又
極細膩一
注而深百
讀不厭小
事

風光細膩
情致纏綿
使秦七黃
九見之亦
當望而卻
步奪鴻

舟重風穩對酒評花煎茶鬪韻前事何堪重省關河自
忖幸一水盈盈葦杭差近怎奈相思一般滋味永

相江尋夢圖調寄祝英臺近

客舟停山月冷夢境覓湘沅怨竹啼紅痕灑淚斑淺是
他風引羈魂露凝湘佩莫吹醒梵鐘聲遠恨難遣可
惜彈指年華匆匆夢緣短夢草懷來月下定飛徧卻愁
夢也難尋夢中說夢願常把離魂雙結

題彭簫九月底脩簫圖兼調簫九調寄祝英臺近

晚煙沈羣籟寂涼月自延伫碧玉參差清濁調重譜是

詩餘

五

曾府人清虛紫雲潛聽纔證得仙音無誤會心處者
番換羽移宮姮娥定相許欽動唇移宜倩玉人度應憐
弄玉知音文簫得侶何不其月中飛去簫九有所
狎故云

姬人王氏喜讀詩餘為音節之中聽也丙寅冬以

瘵卒振觸予懷遂填鶯啼序調長言詠歎以寫
哀思又即餘意擇調與事相類者復填數闋詞
雖鄙俚或音節亦有可聽亦欲投其所好效宋
玉之招魂不徒寫我悲懷惜朝雲之誦偈已也

鶯啼序

癡語愈覺
沈痛小蛋

哀豔小雲

此景須兩
三年繁繞
心目間久
或遺忘耳
腸九曲筆
赤九曲雲

黯然魂銷
小雲

三年夢緣太短。倏珠沈玉碎。似曇鉢初現。空花驟教香
歇。花萎算子。野霜毛漸老。不應先墮。重泉淚尚。猜他多
病。懨懨夜深還睡。往事追思影卸。佩欵喜姿。明性慧
記。曾約花月相憐。侍兒偷聽幽誓。惜珊瑚。瑤臺玉瘦多
情深。護鴛鴦。被不教他。穉藥嬌花為郎。憔悴。瑤簪易
折。命薄顏紅似。偏招物忌。准日伴藥爐。經卷。恹黛頻蹙。
莫覓靈香。病今深矣。情絲未斷。來生重約。姬自知不起
曾有此誓
歡場難禁。今生散。况他生泉路深。深閉癡情。自計早知
槿豔無多。合當厮守。凝睇。匆匆草草。歲也將除。似人

詩餘

六

琴共逃。姬以嘉平廿六日生廿暗檢點衣裳。針線。蓋篋
徒存錦瑟。淒涼誅詞。誰寄情絲。擺脫色空。參破嗟余塵
網。猶束縛論游行。撒手仍輸爾。從教香火温存。月冷奩
空。斷魂蕭寺。法雲厝
姬

不意天壤間。竟有疑於我者。何言之沈
痛。乃爾吟君雅調。觸我悲懷矣。范小雲
情致纏綿。詠歎不已。想臨池時。淚流紙上
一字一珠。令讀者黯然神傷矣。蕭伯生
一氣呵成。悲涼沈痛。聲淚
俱下。可謂至文。姪家樵
回環往復。沈痛纏綿。蓋情真則語必
摯。無一字不從肺腑流出也。姪鴻
長相思

言簡意該
餘音邈然
姪家樾

好因緣。惡因緣。眉上新愁聚百端。不隨衣帶寬。數芳
年。惜芳年。漫說浮生一夢間。何曾好夢圓。語淡味
長姪樾

惜分飛

篋冷奩空人已去。為問韶華幾許。花信招春如棟花。恰
減番風數。南廿三小院沈沈春晝午。梁燕偏來對語。

少箇嬉春侶。春濃便是愁濃處。細膩熨貼。臺動人姪鴻。

小小結搆亦有幾層曲折短
調中不可多得之作姪家樾

雨霖鈴

情傷詞筆。夜臺人杳。曾否知得。梁園昔別無緒。桃根迎

千迴百折

詩餘

七

極抑揚跌

宕之工讀

之只覺悽

惻纏綿一

往情深至

著語下字

處處合拍

洵稱詞壇

妙手家樾

到。差消孤寂。前年羈寓省垣暫別。猶深。戀。泉。路。相

隔。念月夜環佩珊珊。帳裏來遲定何日。香魂來去。渾

無跡。想並肩密約。仍堪憶。明知夢境無據。除夢裏。急逢

顏色。半臂情深。瘦卻東陽也。定憐惜。料不忍忘了。釵盟

夢也。難尋覓。姪歿未

深情宛轉餘韻悠揚姪鴻

情長久

鏡臺寂寞塵封。觸目成悽楚。况賸得病餘。殘繡偏拆。鴛
侶。流鶯聽不得。那更聽啼血。催歸杜宇。最難是。花晨月

巧逸絕
好句在末
次中亦不

多得家越
錦鐵精醇
家
曲折宛轉
奇警異常
家極

夕扇底槽前都賦出傷心句短夢匆匆果是蘭因誤

便不合鏡盟釵約一番歡聚情長原是累縱情短難解

潘郎苦緒歎今後雲蹤雨跡十二巫峯渾未許人知處

往復低徊沈鬱頓挫與鶯啼序同
霖鈴有異曲同工之妙姪家樾注

綺麗纏綿有含蓄
不盡之致姪鴻注

淒涼犯亡姬忌日

返生望絕偏今日重逢撒手時節淨香久祝招魂屢賦
竟甘長別曇花一瞥惜聰俊都將福折未知他經年慘
訣地下向誰說雖有來生誓老矣耄郎也傷哀竭此

詩餘

八

生且斬怕他生又添悽咽錯認光陰况前後生難踵接
恨從今永執破鏡影半缺

瑞鶴仙

乙丑冬與姬人羈處梁園遇風雪交加猶能共
慰寂寞今復羈留又值連宵風雪形影相憐感
深今昔爲賦此解

晚來風力惡凝望處片片飛來玉萼寒水鏤尤薄問天
公何事都經雕琢慣穿繡箔與柳花依樣性格料佳人
耐冷纖手捧來也愛同捉尚記年時雪夜帳煖銷金

豔情如昨梨花夢覺魂幽杳景蕭索悵瓊花易謝簷前
玉筋和人清淚暗落聽窗前折竹疑是珮環綽約

風雪交加蕭條旅館知公必有悲思知公必有佳句奉到大作時已就寢急篝燈起讀唏噓泣下終夜不能成寐矣閩中語皆我所欲說者皆我所欲說而不能說者公乃爲我說之且爲我盡說之是何理也沈痛語在他人聞之且不能卒讀况我亦過來人耶水筋已消淚落不止嗚咽掩卷不忍再讀矣戊辰上巳懶雲道人拜跋

減字木蘭花

王丹麓兄爲亡姬作背面美人手執玉玦復繪古梅一樹斜月半規爰作此解

詩餘

九

良緣恨淺屢盼回頭呼不轉月缺花殘能否花開月再圓
羅浮夢幻不必湖山窺半面約略丰姿紙背翻看更覺癡

掃花遊

題王世臣秋聲集感圖

素秋乍到便葉葉西風響傳高樹頭驚倦旅恰闌干背倚怨蛩偷訴擬乞天公略減繁音幾許試聽取更着意做成千種悽楚幽意誰其語料獨客聽來定吟愁句遣之不去悔情多是累絆將愁住一例秋聲也覺多分些數避無處待宵深靜聽彌苦

風雨連宵書悶 念奴嬌

天公何恨也。淋漓灑遍。清淚如許。已惜韶光空過了。那更連朝風雨。柳困難醒。花寒猶噤。寂寞渾無緒。勾人濃睡。卻偏連夢難作。去作簾外鷓鴣地。風來玉鉤微動。疑有人偷覷。應怪閒愁消不盡也。似癡雲常聚。羅帳燈昏。錦衾寒重。裝點孤眠趣。漏聲相答。夜來欹枕閒數。

蘆花鵲橋仙

雁程風急。漁家夢冷。一天涼影吹落。西風何事。學東風也捲。作柳花冥漠。江頭斜照。蘆中窮士。更覺秋懷蕭

詩餘

索白頭相對。口關情況。頭白一般漂泊。

感遇 金縷曲

宦味同雞肋。悔年來風塵作吏。梗蓬飄泊。斗米折腰殊失計。依舊相如四壁。仍二黜。慣逢排擊。跳盡糊獐裝盡戲。偏十長輸九嗟。何益。強富貴。何曾過。也同敝帚思

拋擲。奈塵中既經插脚。奮飛無力。到眼文移。常肆罵。自笑一錢難值也。覺對妻孥。顏赤塵網何時方解脫。返林泉償我詩書癖。慙俯首爲人役。

蟹醉花陰

情詞婉摯
唱嘆得神
讀之令人
心醉喜順
之註

草泥郭索聲來驟。壓穗枝將仆。斫雪喜螯肥。斷截江鄉
燈影紅初透。一年容易秋風又。愁減腰圍候。風味轉
宜秋。公子無腸。不爲西風瘦。

題張維楨平原射獵圖

念奴嬌

草枯霜白。正連天野燒。四圍空濶。驕馬馳風鷹掠地。灑
遍平疇。毛血春夏。讀書秋。冬。校獵兩事皆難。較英雄本
色。露將奇氣。眉睫。追溯蒙亨當年。萑苻多盜。一怒衝
冠。髮大敵當前。仍不怯。後兔依然難脫。維楨曾練鄉兵
禦蒙寇諸寇駁失華夷。金縉告匱。婦穉拋殘骨。執持和議。合圍仍盼。

詩餘

十一

神鵲

津門夷情未靖於
濟世才有厚望焉

氣韻豪邁音節鏗鏘縮合時事不
失圖中本意蘇辛傑作也袁順之

題張維楨西園歸隱圖

賀新涼

我亦思歸客。悵年來籠中孤鶴。離蹤雙翼。老去優游宜
小憩。恰是西園同闕。況亦有煙霞痼疾。予家亦
有西園此日披
圖神並往。思縮身如黍。偕遊歷。君共我畫中覓。兩家
如筍兒孫立。繼家聲詩書。麴蘗滿澆胸臆。更把陶情詩
一卷。讀倚樹根巖石。復有味青燈共繹。世澤書香常不
墜。似此間得失。非尋尺。唾言者笑君僻。

歸隱意說
成同聲相
應令人想
見交誼之
篤東順
之註

60

8

